

明治
新刻

日本政記

大郷穆編次

第三冊

特32

506

三冊目次	卷之四	廢帝
	諱天皇	光仁天皇
	德天皇	平城天皇
	桓武天皇	
卷之五		
嵯峨天皇	淳和天皇	
仁明天皇	文德天皇	
清和天皇	陽成天皇	

明治十二年九月廿七日購求

教育博覽會

第四十六世紀元千四百九十九年

明治新刻 日本政記卷之四

石川縣 大鄉 穆 編次

孝謙天皇

諱阿部聖武帝第一女母皇后藤原氏右大臣不比等第二女在位

十年改元二曰天平勝寶天平寶字

帝年二十一先帝立為皇太子嘗禁內賜群

臣宴親舞五節元正帝深為歎賞焉至是受

禪即位於大極殿時年三十五尊先帝曰太

上天皇是日改元

日本政記 卷之四 孝謙 高倉書院

類國史 屬雜史 第十卷 函六

置紫微中臺

天平勝寶元年丑橘諸兄爲左大臣藤原豐成爲右大臣如故○始置紫微中臺以大納言藤原仲麻呂豐成之弟兼紫微令仲麻呂美姿儀故受寵○制紫微中臺官位○二年遣藤原清河大伴古麻呂於唐○三年遣吉備眞備於唐眞備初姓下道先是賜吉備○四年太上天皇不豫度僧尼一千人禁天下今年殺生沿海漁戶貧困者日給穀二升○帝幸東大寺慶盧舍那佛百官儀衛如正朝聚僧一萬設齋會奏舞樂是夕還御大納言藤原仲

阿部仲麻呂仕唐

改年爲載

麻呂田村第是後屢幸遂爲別宮○六年再幸東大寺受

菩薩戒○是歲吉備眞備大伴古麻呂至自唐

藤原清河留學生阿部仲麻呂留仕唐清河等

唐主玄宗觀其儀容賞之遂稱本朝○七載詔

改年爲載○八載左大臣橘諸兄致仕先是太

上天皇不豫有告諸兄抱異圖者太上天皇不信

諸兄聞之遂致仕尋薨諸兄敏達帝六世孫有

因命○太上天皇崩聖武壽五十六葬大和佐

遺詔立中務卿道祖王新田部親王爲皇太子

○天平寶字元年丁酉廢皇太子。初太子放逸淫戲居喪無禮。至是遂廢。○立大炊王舍人親王子為皇太子。初藤原仲麻呂喪子真從。招太子居田村第。納真從寡婦為妃。時帝召群臣議立儲貳。右大臣藤原豐成等各有所主。諍之。仲麻呂勸帝親擇。帝乃令人迎太子於仲麻呂第。遂定儲位。○詔令天下家藏孝經一本。○帝將改修皇宮。移御田村宮。以藤原仲麻呂為紫微內相。時左大辨橘奈良麻呂諸兄子憤仲麻呂專恣陰欲

天下家藏孝經

殺廢太子

除之。遂與廢太子及黃文王安宿王大伴古麻呂。小野東人等謀行廢立。事覺下獄。初奈良麻呂就縛。度其不免。乃曰。仲麻呂無道。吾將發兵殺之。然後陳狀耳。廢太子黃文王古麻呂東人等亦下獄。竝被拷掠。杖殺。流安宿王於佐渡。其餘坐抵罪者二百六十餘人。藤原豐成又被誣為黨貶太宰員外帥。王室內亂至此凡十六○是歲改元。又改載復年。○二年帝禪位於皇太子。

改載復年

第四十七世紀元千四百

廢帝諱大炊舍人親王第七子母夫人當麻氏在位八年

日本政

卷之四

三

高倉本并片

十九年

初故太子之廢先帝詢可代為儲貳者衆議不協藤原仲麻呂奏知臣莫若君唯陛下擇之先帝曰宗室中唯舍人新田部兩親王最長故立道祖王而一旦廢黜今宜擇舍人親王子然諸王內行皆有闕唯大炊王未聞有過宜立為嗣乃迎帝為皇太子至是受禪即位尊先帝曰太上天皇不改元仍稱天平寶字

天平寶字二年戊戌以藤原仲麻呂為大保敕曰

惠美押勝

定官制

褒善懲惡聖主格言賞績酬勞明主彝訓藤原朝臣仲麻呂恪勤守職事君赤忠曠世無比汎惠之美莫美於斯今後宜姓中加惠美二字禁暴勝強故名曰押勝朕舅中唯卿良尚故字曰尚舅更給封三千戶功田一百町世襲是日詔押勝等定官制改太政官為乾政官太政大臣曰太師左大臣曰太傅右大臣曰太保大納言曰御史大夫紫微中臺曰坤宮官中衛大將曰太尉○詔國司交替以六年為限加舊制二年

置常平倉

每至二年遣巡察使檢校治績。○小野田守至自渤海奏唐亂曰安祿山叛僭稱帝國號燕唐主避亂劔南太子璵即位靈武於是詔太宰府嚴海防曰祿山狂胡若不利於彼安知其不寇於我宜預為之備。○二年先是遣清平使諸國問民疾苦至是詔置常平倉東海東山北陸左平準署掌之山陰山陽南海西海右平準署掌之。○追尊皇考曰崇道盡敬皇帝。○詔太宰府造行軍式以惠美押勝益驕肆將伐新羅以誇

置放生池

鑄新錢

武功也。○詔諸國置放生池。○置授刀衛。○四年以太保惠美押勝為太師尋帝與太上天皇幸押勝第。○詔鑄新錢金銀銅錢並行。銅錢文曰萬年通寶金錢文曰開基勝寶銀錢文曰太平元寶。○新羅朝貢失禮責其使卻之。○五年詔筑紫七國造甲刀弓箭以備邊寇。○帝奉太上天皇幸近江保良宮僧道鏡從焉。道鏡姓弓削河內人帝召入內道場為禪師尋幸惠美押勝第。○以惠美朝獯之狎勝子為東海道節度使百濟敬信南海道使吉備真備西海道使點兵船四百

艘兵四萬餘習騎射陣法兼造兵器以為伐新
 羅之備○是歲遣使於唐及渤海○六年授惠
 美押勝正一位賜近江淺井高嶋鉄穴二所○
 太上天皇御法華寺落髮初僧道鏡侍上皇有
 寵帝屢為言遂與上皇有隙至是上皇召五位
 以上詔曰帝以無實言負寃於朕是帝視朕猶
 仇也然亦朕薄劣之由故今出家奉佛欲無慚
 於內自今國家大政賞罰二柄朕親行之小事
 啓之帝○七年渤海新羅並貢調以新羅失禮

廢儀鳳曆行
 大衍曆

又卻之○廢儀鳳曆行大衍曆○以僧道鏡為
 小僧都○中臣伊加麻呂葛井根道等坐言涉
 忌諱並獲罪左遷○是歲右中辨藤原良繼合字
 子之謀誅惠美押勝不成下獄初良繼坐兄廣嗣
 事流伊豆遭赦而還累遷及押勝擅政甚疾之
 且憤其諸子官皆在己上密與佐伯今毛人石
 上宅嗣大伴家持等謀欲殺押勝弓削男廣告
 之押勝乃捕而鞠之良繼曰獨我謀之他人不
 與也乃詔除姓奪位○八年太師惠美押勝自

惠美押勝叛

請為都督畿內三關近江丹波播磨等國兵事
 許之既而謀反走據近江奉氷上鹽燒王道祖王之
 兄稱帝初押勝得上皇寵及道鏡入侍寵稍衰
 押勝憤怨潛謀除道鏡遂幽上皇乃有都督之
 請使兵士更番講武又私倍其數用乾政官印
 而下之大外記兵部省竝密上變上皇遣少納
 言山村王收其鈴印押勝令訓儒麻呂等擊詔
 使授刀少尉坂上苅田麻呂射殺之詔削押勝
 官位族姓遣兵守三關其夜押勝招合黨與出

惠美押勝

奔衛門少尉佐伯伊多智等直取田原道赴近
 江燒斷勢多橋押勝懼轉走高嶋募兵集數千
 上皇敕從五位下藤原藏下麻呂將兵討之伊
 多智等馳至越前斬守辛加知押勝不知將使
 精兵入愛智關授刀物部廣成拒而卻之押勝
 狼狽失據日戰日逃將航鹽津風逆不得進乃
 還三尾崎與佐伯三野大野真本戰自午及申
 官軍疲頓會藏下麻呂兵至官軍又大振賊兵
 遂潰押勝與妻子單舸逃去石村石楯擊而斬

押勝伏誅

鹽燒王被斬

復官名

之誅叛臣至是凡四人并其妻子傳首京師鹽燒王亦被
 斬○召還太宰員外帥藤原豐成復為右大臣
 復藤原良繼姓叙正四位下為太宰帥○以僧
 道鏡為大臣禪師詔曰朕既為出家天子宜置
 出家大臣今以道鏡為大臣禪師職分封戶一
 準大臣○詔押勝所改官名悉復其舊○押勝
 既伏誅上皇疑帝黨之遣兵部卿和氣王等圍
 中宮院廢帝為淡路公帝惶遽不及衣履步至
 圖書寮北受宣詔與所生當麻氏徙淡路右兵

衛督藤原藏下麻呂衛送幽之一院明年帝不

勝憂憤踰垣逃為追兵所獲明日崩院中壽三

十三光仁帝寶龜三年詔改葬淡路加集中

山縣禎曰立嗣者大事也故古者重之夫冢嗣

承宗廟社稷之重者也禮為冢子斬衰三年其

重如此故立之之道不可不謹矣孝謙以仲麻

呂寵幸之故違先皇之遺詔戾大臣之諫諍廢

太子而更立大炊出於一時之私愛者也宜矣

仲麻呂死而嗣君之廢也孝謙以私愛憎奪皇

位亦以私愛憎欲與之於匪人微清麻呂之徒。忠直之言則天下不亦危乎。

稱德天皇 重祚在位六年。改元二。曰天平神護神護景雲。

第四十八世紀元千四百二十四年

帝初傳位於先帝受尊號以先帝深惡僧道鏡屢為言帝不懌落髮徒法華寺以避外議然朝政大事仍親決之及藤原仲麻呂亂平廢先帝為親王賜爵淡路公流船親王於隱岐池田親王於土左 以上兩親王並舍人親王之子。至是再臨萬機改元

殺和氣王

天平神護元年已以年穀不登民疲軍役詔免天下今年租。先是罷山陽南海東海等諸道節度使至是又罷西海道節度使。改授刀衛為近衛府始置內廐寮。禁人民恣為墾田。又禁王臣私貯兵器。以藤原藏下麻呂為近衛大將。○殺兵部卿和氣王 舍人親王之子。初王以帝無嗣竊懷冀望紀益女以巫鬼受寵厚賂之又與參議栗田道麻呂兵部大輔大津大浦等數會飲密語會道麻呂佩刀折王遺以裝刀於是眾

以僧道鏡為太政大臣禪師

疑謀泄王知之即夜逃匿於率河社中敕令捕獲流之伊豆路至山背相樂郡絞殺之王室內亂至此凡十又絞益女貶道麻呂於飛彈大浦於日向○更鑄新錢與舊錢竝行文曰神功開寶○帝幸河內弓削行宮尋以僧道鏡為太政大臣禪師令文武百官拜賀○右大臣豐成薨○二年以大納言藤原永手房前之子為右大臣○授僧道鏡法王位階在正一位上授僧基真正五位上初基真狂妄無常密置數顆小珠於前詐稱現

崇孔子用文宣王諡

佛舍利道鏡奪以為己瑞諷帝大赦天下迎舍利置之法華寺幡蓋服飾極盡靡麗乃以道鏡為善教導僧徒感得舍利因有是命是後道鏡出入乘鸞輿服食一擬供御政皆決於己○以右大臣藤原永手為左大臣吉備真備為右大臣○神護景雲元年丁未帝臨大學釋奠先是釋奠之儀未備右大臣吉備真備據禮典議之至是始備○慶雲見於參河因改元○二年詔崇孔子用文宣王諡號○流僧基真於飛彈禮於

其師圓興也 ○三年春正月道鏡居西宮前殿大臣

以下百官朝賀道鏡贈五位己上摺衣各一緋

袍各一 ○放不破內親王帝妹京外流其子計志

麻呂於土左初內親王為鹽燒王妃悼王死罪

有告其咒詛者故又得罪 ○道鏡驕僭日滋甚

宇佐廟祝阿曾麻呂希其旨託神語曰宜傳位

於道鏡道鏡聞之大喜帝甚惑焉詔從五位下

和氣清麻呂曰汝往親受神誨臨發道鏡謂之

曰神既許位於我卿宜以實復命不則有劍耳

放不破內親王

和氣清麻呂
奏神誨

穢麻呂

清麻呂出遇其友路豐永道鏡之師也于途豐永曰

子此行所係極大宜有意也道鏡若登祚吾與

子等從伯夷而游耳清麻呂感憤往至宇佐祝

禱通宵還奏曰天日之嗣必立皇緒自昔以然

道鏡悖逆輒懷非望宜速剪除神語如此道鏡

大怒斥為矯誣奪官位姓名更名穢麻呂流於

大隅使人殺之途會敕使來獲免參議藤原百

川愍其忠烈割封戶給之

史論曰所貴乎忠鯁之士者以其不為利回不

為威怵凜乎如嚴霜烈日也故猛虎在山藜藿
為之不採方道鏡之覬覦神器也兇徒逼人勢
不可當事之濟否決於使臣之一言清麻呂正
色不撓直奏神語志匡王國氣震姦佞至大至
剛塞乎天地之間人臣之誼盡於此矣

藤井臧曰清麻呂之得罪與唐魏元忠為張易
之所構謫嶺表略相類而道鏡威權之重非易
之比清麻呂豈初不知言出禍隨為天下忘其
身不敢曲一言嗟乎忠哉詩曰彼其之子舍命

不渝其此之謂乎

賴襄曰所貴於士以其有氣節也士之有氣節
不獨以立其一身也足以維持國家定天下之
安危吾觀於和氣清麻呂之事有以知之神龜
寶字之際朝廷之士可謂無氣節矣橘諸兄以
華胄位極正一位矣聖武之惑溺婦言事無益
興造不聞其一言匡救之也帝之慶廬舍那佛
也與皇后皇太子備儀衛往諸兄為後乘合掌
膜拜以當萬眾之觀而不耻也吉備真備以儒

學受寵兩朝位至大臣。玄昉之濁亂宮闈而熟視之而已。仲滿之驕橫道鏡之僭竊而如不聞知相率拜賀仰為法王而不耻也。觀此二人之所為可以推其他矣。夫以赫赫天朝祖宗之天下而欲傳之一比丘誰不知其不可而莫敢言者何哉。曰懼禍也。當此時有一人焉言之是捐其一身以存祖宗之天下也。清麻呂是已。故曰士之氣節關係天下國家。有天下國家者不可不養此以為倚賴也。

山縣禎曰。神之所以教清麻呂。果然與否則其事隱微吾不敢知之也。唯道鏡覬覦神器悖逆無道不可不為邦家峻拒之。是清麻呂之所以忘身而抗言不敢諱也。

四年帝崩于西宮。先是以由義宮號為西京。道鏡侍幸進以異味。既歸得疾。至是大漸。有尼自云有方術可治。藤原百川以為妖。卻而不使進。遂崩。壽五十三。葬大和高野山陵。帝臨朝前後合十六年。○右大辨藤原百川與左大臣藤原永手近

衛大將藤原藏下麻呂等定策禁中迎白壁王立為皇嗣。

林恕曰。孝謙踐祚。讓大炊王。而又奪之。與唐武
墨於中宗。同日之談。而淡州之廢。猶彼在房陵
也。奈良麻呂之切齒。其家雖覆。其志可以察焉。
蓋徐敬業之亞匹乎。押勝之寵。道鏡之奸。其醜
雖懷。義易之昌宗。不可過之時。有永手百川。頗
類狄張之徒。故道鏡竄死。而光仁膺圖。天武無
後。而天智之統。至是而立焉。天命果歸正者乎。

賴襄曰。宜乎藤原氏之比隆於王室也。我王家
一危於皇極。兩傾於孝謙。而匡正之者。皆藤原
氏。微鎌足。雖有天智。誰翼戴之。微百川。雖有光
仁。桓武。誰定其策哉。其後又有基經焉。而光孝
宇多得立焉。此五君者。皆克復大業。澤浹後世。
謂之中宗。高宗。上接於神武。無愧焉者。而藤原
氏援而立之。其功豈不偉哉。有功斯有報。宜乎
其與王室比隆也。如此五君。則槩非其出也。而
其殷殷運謀。効力於此者。豈非其心以宗社為

憂公且誠者也邪。天下之事非公且誠不能成也。況當其事之艱難危疑以不公不誠處之雖有才略智勇安能濟乎。

光仁天皇諱白壁天智帝孫父施基皇子母紀氏在位十二年改元二曰寶龜

天應。○自帝大友崩至是間一百

先帝在位百官勸立皇嗣先帝懼其樹黨與故不聽遂崩藤原百川欲立帝右大臣吉備真備頗有異議百川與兄參議良繼從兄左大臣永手等密議矯遺詔奉帝為皇太子初

第四十九世紀元千四百三十年

流道鏡下野

勝寶以來皇族多嬰飛禍帝歷官納言深抱危懼時或縱酒自晦以故獲免至是舉哀畢山陵事僧道鏡留廬陵下時從四位上坂上苅田麻呂密告道鏡奸謀即日詔遣左大辨佐伯今毛人等赦道鏡死罪一等流之下野後道鏡死于配所又流大納言弓削淨人鏡道以庶人禮葬之及其子廣方等於土左習宜阿蘇麻呂於多禰嶋

巖垣松苗曰光仁之不忍誅道鏡則可謂仁

復和氣清麻呂本官

阿部仲麻呂死于唐

孝矣。惜當時大臣不能以道鏡至祖宗廟。數其罪而後正刑。可以為萬世之遺憾也。

詔汰冗官。召還流人。和氣清麻呂尋復本官。

寶龜元年。庚戌。帝即位於大極殿。先是肥後屢

獻白龜。因改元。大赦天下。賑恤孝義及耆老困

乏者。免諸道今年田租。○追尊皇考曰春日宮

天皇。○是歲遣唐留學生阿部仲麻呂死于唐

仲麻呂在唐五十餘年。更姓名曰朝衡。仕唐玄宗。與王維李白等交。卒年七十。贈潞州大都督。

嘗望月作和歌。寓歸思。後世傳為絕唱。

史論曰。仲麻呂慕唐之文物。留而不歸。易姓名

受官爵。是蔑祖先而二本也。豈聖賢之道哉。世

徒眩于才藻。不究其本。而歆豔其為。唐廷文士

所推獎過矣。

二年。左大臣藤原永手薨。○右大臣吉備真備

致仕。真備年二十二。往唐學問。研究經史。兼綜衆藝。與阿部仲麻呂播名于唐。後四年薨。

年八十三。○以大納言大中臣清麻呂為右大臣。中

納言藤原良繼為內臣。○是歲復和氣王男女

屬籍。○三年。渤海來貢。責其無禮。卻之。○井上

吉備真備致仕

皇后聖武坐巫蠱廢尋廢皇太子他戶初后年方盛而帝春秋高以故頗淫恣且咒詛帝至是參議藤原百川推問得實因奏帝乃斥之后怨望又厭蠱難波內親王明年內親王薨帝詔幽后及廢太子於大和後六年后及廢太子同日卒○四年立皇子中務卿山部親王為皇太子先是既廢太子他戶群臣奏請定儲位帝擇所立親王有賢名藤原百川欲嗣立之公卿中頗多異議帝意亦未決百川執奏數日不退帝感其誠恟乃許

之至是遂為太子按大日本史曰水鏡所云藤原百川以計傾后及太子廢

之事甚鄙褻故不取今從之

永井定宗曰凡立子以長不以有功以德不以母之貴賤當是時山部親王齒長德勝何以母賤廢之哉宜矣百川之固爭也百川不屈志氣終能立賢以固皇位如百川可謂為死生禍福不易操者矣

是歲諸國穀價騰貴百姓飢困公卿奏請定常平法制可乃遣使七道糶穀賑民○渤海來貢

又責其無禮卻之。○五年新羅朝貢失禮責其使卻之。○先是築陸奧桃生城至是蝦夷入寇敗其西郭救鎮守府將軍大伴駿河麻呂討之駿河麻呂進擊勦其巢窟降者相屬帝遣使宣慰征討蝦夷。○六年詔復陸奧今年課役田租第十回。○割諸國公廨給俸四分一以益京官先是國司侵漁得利京官祿薄故庶寮望外任因有是命。○七年出羽賊起官軍進戰不利發下野常陸等兵討平之又發陸奧兵伐膽澤賊配兩國

改內臣為內大臣

藤原百川薨

俘囚于筑紫及讚岐。○免陸奧今年田租以其屢就戰役也。○八年內大臣藤原良繼薨。○十年以內臣兼近衛大將藤原魚名房前第四子為內大臣。先是改內臣為忠臣至是又改為內大臣。○贈故遣唐使藤原清河從二位副使小野石根從四位下初石根如唐海上遭風覆沒因有是命。○唐使孫興進來。○參議兼中衛大將藤原百川薨贈正二位百川幼有器度累歷顯要帝委以腹心及薨帝悼惜。○十一年新羅朝貢。○詔免諸

道今年田租陸奧奏築覺驚城以備蝦夷制可
○太政官奏制令之日限置官員職務不滯今
官衆事殷蠶食者多穀帛難生而用之不節一
歲不登便有菜色昔人稠田少而有儲蓄今地
闢戶減而患不足由節用與糜費爾當今之急
省事息役并省官員上下同心唯農是務則用
足而廉耻行矣又奏諸國兵士頗多羸弱徒免
身庸不歸天府自今除二關邊要外隨國大小
爲額點殷富百姓才堪弓馬者專習武藝應徵

發其羸弱皆就農桑並制可

新井君美曰沙汰冗官古之善政也蓋古之時
天下之民莫不有田人生五年以上皆給口分
女及家人奴婢減三分之一凡有田則有租有
家則有調有身則有庸其在官在役租賦調庸
各有除免法鰥寡孤獨貧窮老廢者收養給侍
皆有其法凡無子者聽養四等以上親於昭穆
合者孝子順孫義夫節婦志行聞於國郡者旌
表門閭悉除課役五位以上則有位田有職田

亦有功田有賜田其餘則有祿俸焉官解職免則咸皆歸田已是以官員增則戶口減農業廢田園荒矣故曰省官息役唯農是務皆古之善政也

賴襄曰光仁中興之政如日之升天地清明足以使百官萬姓洗濯磨淬以求副上意非帝之勵精自強不息曷能如此而何弊不可革哉黜中立自全之大臣代以忠鯁廢驕縱難制之中官併廢其所生更立賢明國本立矣置常平濟

穀貴省官汰兵選將鍊甲儲糧防邊賞功勞而罰退懦其舉動處置較有次第可以為後世之法矣

先是出羽官軍與賊戰不利多失器仗至是陸奧蝦夷叛殺按察使紀廣純又大亂初廣純議造覺驚城將築之賊入長岡廣純防之伊治城大嶋大楯伊治皆麻呂竝以郡領從皆麻呂本夷種以事怨廣純又惡大楯廣純信任殊不介意皆麻呂誘倭軍為內應先殺大楯遂圍廣純

殺之介大伴眞綱潰圍而逃入多賀城城下民
聞變競入欲保守而眞綱懼逃民失望潰散後
數日賊至爭掠糧仗縱火而去於是詔遣中納
言藤原繼繩爲征東大使大伴益立紀古佐美
爲副又以大伴眞綱爲陸奥鎮守將軍安部家
麻呂爲出羽鎮狄將軍以討蝦夷又敕東北諸
國作糒三萬斛製甲千領襖四千輸送軍所繼
繩等頓軍不進事聞乃以藤原小黑麻呂爲持
節征東大使督諸軍且詔諸使等曰進討遲滯

四十二卷
五十四卷

既失時宜將軍發兵久經日月所集步騎數萬
人計已平殄狂賊而今奏今年不可征討夏稱
草茂冬言襖乏縱橫巧言遂成替留何月何日
誅賊復城意將軍爲賊所欺致此逗遛機會不
可失諸將進戰○天應元年辛酉詔與民爲些麻
呂所誑誤歸順者給復三年兵士從役免今年
田租又詔征東使今將軍等未斬一級先解軍
士但見前後奏狀賊衆四千餘人其所斬首級
僅七十餘人則遺衆猶多何可獻凱早請向京

縱有舊例。朕不取焉。小黑麻呂奉詔奮戰蝦夷。

悉平征討蝦夷。第十一回。小黑麻呂凱旋授正三位賞諸

將進位有差詔責副使大伴益立畏懦逗遛奪

其位仁明帝朝復益立本位。○以內大臣藤原魚名為左

大臣。○帝不豫禪位於皇太子。尋崩壽七十二。

葬廣岡山陵後改葬大和田原東陵

桓武天皇諱山部光仁帝長子母夫人高野氏贈太政大臣乙繼女在位二十年

五年改元一曰延曆

帝天資好武勵心政治初為親王任中務卿

第五十世紀元千四百四十二年

時先太子廢皇嗣未定群臣多異議參議藤

原百川獨推帝固執不息先帝從之遂立為

皇太子至是受禪即位時年四十五尊先帝

曰太上天皇尊生母中宮高野氏為皇太夫

人上皇崩帝欲諒闇三年群臣請因元正帝

大例聽政如平日帝不忍詔以一年為限臣民

以六月釋服是歲賜諸道今年田租始置中

宮職罷內外文武員外官○右大臣大中臣

清麻呂致仕

始置中宮職

延曆元年壬戌氷上川繼鹽燒王第二子謀叛事覺處流

初川繼資人大和乙人帶兵仗闖入宮中捕而

推問得實乃敕召川繼川繼聞使至潛出而逃

大索數日獲之大和以山陵未乾免死流伊豆

配其母不破內親王及姊妹淡路其黨與藤原

濱成坂上刈田麻呂竝解官職凡坐者三十五

人王室內亂至此凡十八○省造宮敕旨二省法花鑄錢

兩司隸其工匠於木工內藏等寮○詔免畿內

兵士調又以陸奧百姓數被寇詔給復三年○

大納言藤原田麻呂任右大臣尋薨○左大臣

藤原魚名坐事罷官尋薨○二年春正月先是

帝既除諒闇至是餘哀尚深不忍受百官賀正

詔廢朝○詔坂東諸國民疲調發者發倉賑給

○行幸交野放鷹游獵初朝廷信佛故屢禁天

下蓄鷹及殺生帝欲矯其弊因有是行○以大

納言藤原是公麻呂之子為右大臣○是歲詔禁

京畿定額外私建寺及民典田宅賣易入寺

巖垣松苗曰佛法東渡以來世創寺塔至前朝

禁私建寺

建國分寺其弊極矣韓子所謂人其人廬其居者勢既不易爲也帝立此禁寔權宜良方也獨怪未幾延曆七年僧最澄創寺於比叡山建根本中堂安藥師像以稱濟世醫國其後子院衆多遂及三千鴨水東北無地不寺民居僅夾堂塔之間而山徒暴虐動起甲兵譬猶庸醫口稱仁術常損人命遂至使後世天子有鴨水之漲與山僧之暴無奈之何之歎嗚呼佛法入我邦以降蠹國害政未有如是甚者也惜乎當時處

此良方徒置不用而使病勢益劇後經七百余歲平公信長一怒火攻之天下大患始得瘳矣治療之功卻出於武將豈謂之下策劫法乎

三年以從三位大伴家持爲持節征東將軍從五位上文室與企爲副以防蝦夷○帝將遷都詔遣中納言藤原小黑麻呂藤原種繼宇合孫等相長岡地帝方委任種繼中外事皆取決焉種繼建議遷都乃有是命尋經始都城免貢役夫國今年田租○先是詔國司不知欠倉且用公

高橋村藏

避君諱

廢太子

廢太子
 避君諱
 廢太子
 史為大學頭奉敕定神武帝以後至聖武帝謚號
 為山代○刑部卿淡海三船卒帝大友玄孫賜姓淡海博覽經
 禮宜避君諱朕名觸犯先帝御名今後改山部
 林池澤利○帝徙長岡宮○四年詔曰臣子之
 民產有犯以違敕論又禁王臣及寺家兼并山
 貶降至是又詔禁國司公廨田外墾私田妨害
 廨或不畏憲綱肆漁百姓其奸濫者秩雖未滿
 毛人擢為參議中納言藤原種繼奏曰佐伯氏
 路途薨初帝好游獵委政太子太子寵佐伯今
 為參議古未有也請罷之帝從之是後不復委
 政太子太子大怒遂與種繼有隙會帝幸平城
 種繼留守時官室未成晝夜兼作種繼夜照炬
 催檢有賊從暗中射殺之帝聞之悼惜車駕至
 自平城敕索賊收獲左少辨大伴繼人左衛門
 大尉大伴竹良等詞連太子敕誅首惡繼人其
 餘流竄幽太子於乙訓寺太子絕食數日又流
 之淡路途而薨後追謚崇道天皇王室內亂至此凡十九
 ○聖武以後朝政寬弛至是始正刑憲
 ○立皇子安殿親王為皇

賊殺藤原種繼

為參議古未有也請罷之帝從之是後不復委
 政太子太子大怒遂與種繼有隙會帝幸平城
 種繼留守時官室未成晝夜兼作種繼夜照炬
 催檢有賊從暗中射殺之帝聞之悼惜車駕至
 自平城敕索賊收獲左少辨大伴繼人左衛門
 大尉大伴竹良等詞連太子敕誅首惡繼人其
 餘流竄幽太子於乙訓寺太子絕食數日又流
 之淡路途而薨後追謚崇道天皇王室內亂至此凡十九
 ○聖武以後朝政寬弛至是始正刑憲
 ○立皇子安殿親王為皇

太政官成

太子。○是歲陸奥鎮守將軍大伴家持奏名取以南十四郡僻在山海徵發不及機會請置多賀階上一郡募集民兵備置官員制可。○五年以京邑新建民未豐贍詔賜左右京及東西市物有差。○詔誠國宰郡司蒞政治民多乖朝委。○太政官院成百官始就朝位。○遣使於東海東山兩道簡軍士閱戎器以征蝦夷。○是歲渤海來貢。○六年詔陸奥按察使禁王官人民與夷虜交關。○七年以參議中衛中將紀古佐美

創延曆寺

廢三關

為征東大將軍發坂東諸國步騎五萬二千八百討蝦夷先是運輸糗糧於多賀城以備。○自去冬不雨至夏五月帝親出庭祈大澍雨。○是歲僧最澄請創延曆寺。延曆寺係賜號。○最澄貞觀中謚傳教大師賜大師號始此。○八年諸國軍士會多賀城分道討蝦夷。○廢伊勢美濃越前三關詔曰置關之設本備非常今正朔所施區宇無外徒設關險勿用防禦遂使中外隔絕公私失便宜廢三關免替留患其所有糧仗悉運之國府。○敕

征東將軍曰見比來奏狀官軍渡衣河置營三
所爾後經三十餘日留連不進未審何事由夫
兵貴拙速未聞巧遲計暑猶薄宜早進討於是
副將軍入間廣成中軍別將池田真牧前軍別
將安部墨繩等渡衣河擊賊賊設二覆偽敗而
走官軍追至巢伏村伏發前後受敵不能拒戰
軍大亂別將丈部善理高田道成等死之士卒
擠墜水死者千餘傷者一千餘人敕曰省奏狀
膽澤賊集河東先勦之後圖深入然則諸軍宜

前後相繼今將卑兵寡而無後繼所以敗是則
道成等之失策也諸將奏賊地遼遠欲伐之糧
運甚艱臣等以為與久屯多費不若解軍省糧
敕報曰嚮圖深入今憚進討且罷兵之策果安
在適足知將軍等巧言避罪不忠莫大於斯又
廣成等久在賊地不唯識其情兼慣攻戰故委
以任今宜努力致効而安坐營中徒視成敗闕
外之寄豈宜然乎諸將慚懼既而上捷報曰膽
澤水陸竝已掃蕩荒墟萬頃不復見人烟敕批

曰今檢前後奏狀斬賊首八十餘級與官軍死傷二千餘人大不相值唯多治比濱成等所略地差勝佗道凡獻凱表勿得浮詞過實古佐美等班師初古佐美拜辭殿陛賜節刀至是納刀救問諸將逗遛敗軍之狀諸將皆承伏以古佐美墨繩嘗有勤勞特宥死解官餘將帥行罰有差征討蝦夷第十二回有小功者量加賞賜免陸奧軍人今年田租

山縣禎曰先是歷世女主臨朝仁柔為政屢赦

罪免租其愛民則至矣然皆出於釋氏之慈事多姑息爾來相承君臣泊泊溺心於釋氏柔懦成風士氣不振是以蠢爾蝦夷屢敝邊疆朝廷遣大臣將數萬兵以討之而不能直進搗賊巢穴逗留數日徒老軍費糧或無功而還或多喪師徒為免身之計而重損皇威其罪亦大矣而朝廷不能加之嚴戮以正其罪其何以能厲士氣哉當是時雖海宇清寧稱盛治之極然得無皇室衰弱之機亦胎乎此時哉

復置鑄錢司

是歲右大臣藤原是公薨。○九年以大納言藤原繼繩豐成之子為右大臣。○敕坂東諸國造革甲二千領。尋又儲糗糒十四萬斛以備征夷。○復置鑄錢司。○太政官奏蝦夷干紀久連王誅大軍奮擊餘孽未絕。當今坂東諸國無論強壯貧弱並疲於戎役。夫天下均是皇民宜無判勞逸。請命京畿七道諸國不被東征徵發者不論土著浮浪檢錄其資產課造甲奏可。○以兵役疲旱詔免坂東諸國今年田租。○十年以征蝦夷

學士學漢音

遣正五位上百濟俊哲從五位下坂上田村麻呂刈田麻呂之子於東海道從五位下藤原真鷲於東山道簡兵士檢戎器。○詔始行吉備真備等所刪定律令。○廢五世以上親盡忌日。○以從四位下大伴弟麻呂為征夷大使百濟俊哲多治比濱成坂上田村麻呂巨勢野足為副討蝦夷。○敕坂東諸國備糗糧十二萬餘斛。○十一年禁葬儀踰制。○詔諸學士停習吳音而學漢音。○十二年定陰子階正五位嫡子為從八位上。

遷都平安

庶子大初位上餘準此○廢攝津職為國司○十三年先是相地於葛野營官城課諸國造宮門至是車駕巡覽尋遷焉詔曰此地山河襟帶形勢自成城宜改山背為山城國士民謳歌皆曰平安京今宜從其號

史贊曰帝相攸奠居遷都山城新制平安之號肇經國之洪猷龜筮皆從人神胥慶據龍盤虎踞之勢建萬世不易之基嗚呼盛矣哉

山縣禎曰神武以來至桓武帝世世遷其居或

至一世有屢遷焉上古儉朴之世則可輕遷也至中世以降模唐室制度則宮室之壯麗城市之區畫規模漸以宏大矣一遷之猶累民傷財其害為大也況屢遷乎盤庚之遷都以民苦蕩析離居不得已而遷之民尚胥感不欲遷可見遷都之不可容易也是以桓皇相地察形勢以奠鼎于平安負陰面陽土沃水冽山河襟帶有所謂山城之固皇居以固焉士民以安焉自此以往不敢復遷竟為萬世不遷之都矣非其擇

地之宜有合天心協人情者何以能然乎哉

初天平寶字中給大學寮以田二十町至是增

置越前水田一百二町名曰勸學田○是歲大

伴弟麻呂坂上田村麻呂等進擊蝦夷斬首四

百五十餘級捕虜百五十餘人征討蝦夷第十三回○十

四年弟麻呂等凱旋論功行賞有差○十五年

詔舉諸國武技出衆者又詔嚴京畿吏民男女

別禁濫祭北辰○渤海來貢○鑄新錢文曰隆平永寶

○是歲右大臣藤原繼繩薨繼繩好學善文嘗奉敕修國史

續日本紀成

頒令格

十六年先是詔皇太子學士菅野真道等撰續

日本紀至是成奏上○詔頒彈正尹神王等所

刪定令格○以遷都免諸國今年田租○先是

坂上田村麻呂歷任陸奥出羽按察使鎮守府

將軍至是遷征夷大將軍○是歲罷筑前國司

隸太宰府○十七年以大納言神王光仁帝為

右大臣○十八年從三位和氣清麻呂清麻呂為

入抗直有匪躬之節歷事稱德光仁及帝練達

庶務尤明古事嘗闢義田於備前永充賑給鄉

民賴之及薨贈正三位後世云○十九年禁民納

和氣清麻呂

坂上田村麻呂

日本正言

卷之八

三十一

萬卷樓藏板

錢求爵及冒名貫京畿○賜綿種於諸國種之

○二十年監試對策令菅原清公為主試清公父古

人天應中○蝦夷酋高麻呂入寇賜征夷大將

軍坂上田村麻呂節刀往討之田村麻呂聚兵

進擊大破之殺獲殆盡尋凱旋納節刀詔賞其

功授從三位征討蝦夷第十四回○二十一年遣田村麻

呂城于膽澤配東國駿河甲斐下野等浮浪四

千人戍之夷酋大墓阿氏利為盤具母禮等率

衆五百餘人來降田村麻呂以一酋歸獻之於

坂上田村麻呂破蝦夷

京師上表賀平蝦夷廷議斬一酋田村麻呂奏

曰請放還之以招其餘黨公卿議以為虜性反

覆無常放之遺後患即斬之於河內杉山

賴襄曰國朝王化自西漸東陸奧之州壤地廣

莫民夷雜居中古割置出羽別署官司而得其

力在於築多賀膽澤二城及城膽澤配東國浮

浪四千戍之則最得計矣何者此城未始有之

者也則守之之兵亦未始有之也然既曰築城

不可無兵以守之守之以民丁民丁未必樂往

樂往者浮浪而已。浮浪之於民如未始有者也。以未始有之人守未始有之城國不必騷擾而可民以就業。今雖不詳其處置蓋招聚無食之民以填荒地勸之耕墾使各具糧食苟然則是得四千人土著之兵也。土著之四千足以當徵發之四萬所以震懾夷酋致其來降也。桓武此計出於阪上田村猶趙充國屯田之議用於漢宣也。

山縣禎曰。帝向者遣紀古佐美入間廣成池田

眞牧安部墨繩等征蝦夷軍無功而徒取敗衄所謂弟子輿尸者也。後得阪上田村麻呂以爲將於是蝦夷聞風而懾服夷酋來降所謂長子帥師也將帥之寄至重豈唯關三軍死生實國家安危之所係焉。故擇將不可不慎也。易於師之六五言之所以示人君擇將之道不可不慎也。

是歲闢函根路以富山焚沙石壅足柄路也已而復舊。○二十三年先是遣坂上田村麻呂城

僧最澄空海
等入唐

陸奥志波至是復命田村麻呂為征夷大將軍
 以重將征蝦夷也○以葛野麻呂為遣唐大使
 石川道益為副菅原清公為判官僧最澄空海
 等從焉最澄明年隨大使還空海○是歲帝游
 獵原野數十所○二十四年遣唐使還○召群
 臣議政事得失參議藤原緒嗣百川之子奏曰方今
 之患在兵與土木請罷二者以紓民力帝嘉納
 之即停陸奥役廢造官職

青山延于曰古之人君所以廓大功業而開拓

境土者莫不由內有謇諤之臣以匡輔其德外
 有爪牙之士以宣布其威也帝天資英邁內務
 興作外事戎旅任用才雋文武稱職獻可替否
 則有藤原緒嗣之徒折衝禦侮則有阪上田村
 麻呂之徒故能一攘蝦夷而遂無東顧之憂暫
 營都城而永建無疆之基觀其聽緒嗣之言立
 罷徭役可謂改過不吝從諫如流者矣書云知
 人則哲又云好問則裕帝既有知人之鑒又有
 納諫之美其所以能成洪業而垂裕後昆者蓋

六十六年
五十四年
五十四年

以此歟。

二十五年帝崩壽七十。葬山城柏原陵皇太子立。○是

歲右大臣神王薨。

平城天皇。諱安殿桓武帝長子母皇后藤原氏內大臣良繼女在位四年改元

一曰大同

帝性聰敏玄鑑宏達博綜經書工於文藻先

帝崩帝哀慟不能起參議近衛中將坂上田

村麻呂春官大夫藤原葛野麻呂扶之遷東

廂帝即位改元曰大同立皇弟神野親王為

皇太弟。

大同元年丙戌以中納言藤原內麻呂真楯之子為右

大臣參議藤原園人為皇太弟傅。○置六道觀

察使。○詔貸正稅於貧民。○敕諸王及五位已

上子孫十歲已上皆入大學分業教習。○公卿

奏除諒闇後宜依故事御新宮請豫營構之帝

憚勞民力不聽。○免畿內遭水百姓調賑給七

道。○桓武帝山陵為水壞詔改葬舉哀。○是歲

遣使停左右京及難波津等造酒以水潦為災

第五十一世紀元千四百六十六年

置六道觀察使

日本正言 卷之八

禁淫祀
殺伊豫親王

穀價騰貴也。○二年詔諸國課民植桑漆。○詔罷參議置觀察使改近衛府為左近衛府中衛府為右近衛府。○停諸國貢采女。○禁巫覡淫祀詔曰巫覡之徒妖言惑民增置淫祀虧損淳風今後宜一切禁斷焉。○殺皇弟中務卿伊豫親王初親王受先帝寵及其崩藤原宗成勸親王潛圖不軌親王拒之不從而事泄其舅大納言藤原雄友告之右大臣藤原內麻呂親王大懼遽奏宗成勸叛狀宗成反誣告親王首謀帝

古語拾遺成
大同類聚方成

大怒群臣莫敢諫者獨左近衛中將安部兄雄力辨其冤帝不聽遂遣兄雄等率兵圍親王第詔削屬籍并其母藤原吉子幽之河原寺不通飲食貶雄友宗成等親王與母仰藥而死時人哀之此王室內亂至○三年從五位下齋部廣成上古語拾遺衛門佐安倍真直侍醫出雲廣貞等上大同類聚方。○諸國飢疫詔免今年調令國司親巡鄉邑藥療賑濟。○復置筑前國司。○諸門禁衛令左右衛士府主之號曰鞠負府。○

日本文已

卷之四

三十六

萬葉集

四年帝不豫禪位於皇太弟。○帝在位之際躬親萬機法令嚴肅然性多猜忌殺伊豫親王母子晚乃惑溺內寵世以譏焉。

明治日本政記卷之四

新刻日本政記卷之五

石川縣 大鄉 穆 編次

嵯峨天皇

諱神野平城帝同母弟在位十五年改元一曰弘仁

先帝傳位於帝帝抗表固辭再三不聽遂即

位尊先帝曰太上天皇立皇姪高岳親王

先帝之子為皇太子帝幼聰敏好讀書及長博覽經

史善屬文妙草隸時僧空海亦善草隸帝每

與之爭優劣云

第五十二世紀元千四百七十年

平城宮成

藥子之亂

弘仁元年庚寅平城宮成上皇遷御焉初上皇欲

造別宮養病使右近衛中將藤原真夏等相地

至是成時尚侍藤原藥子種繼之女有寵於上皇巧

媚矯託無言不聽其兄右兵衛督仲成恃勢驕

橫凌轢公卿藥子屢諷上皇惜其遜位帝稔知

其意懼不自安欲遂避位使大納言藤原園人

奉神璽致之上皇上皇不受而藥子奸計滋甚

欲使上皇重祚已居后位乃矯上皇旨擬遷都

平城以中納言坂上田村麻呂藏人頭藤原冬

嗣等為造宮使物議洶然帝大怒捕仲成詔暴

藥子罪惡褫其官位擯於宮外貶仲成為佐渡

權守遣使告之栢原山陵桓武帝陵上皇怒與藥子

同輦赴東國宿衛皆從焉天武帝以後兩王爭位至是第二回左

馬頭藤原真雄遮駕諫不聽中納言藤原葛野

麻呂亦諫又不納帝懼田村麻呂為上皇用遽

進其爵命率輕銳邀之美濃道時從四位下文

室綿麻呂坐仲成黨見捕田村麻呂知其可用

奏釋之帝又進其爵遣之二人奮激偕行其夜

誅藤原仲成

藥子仰藥死

誅仲成於禁所。上皇既至大和，越田村聞官軍遮路，知事不濟，乃還宮削髮。藥子仰藥而死。室

丙亂至此凡二十一。而誅叛臣凡五人。初藥子適中納言藤原繩主早寡有二女。上皇在東宮，納其長女，併近藥子，遂私焉。桓武帝惡而逐之。及上皇即位，復召為尚侍，居中用事，權勢薰灼。性又多妬心。上皇嘗救改諸國所貢采女年齡，限十三已上四十已下，令條限四十已下三十已上者，多出於藥子專寵之謀云。

史論曰：天位授受之間，其事至重。上皇之於帝，其實雖兄而其分則父也。君也。凡在天下，孰有不奉君父之命者哉？上皇信儉邪之言，欲奪已授之重器，以再臨宸極，則帝視棄天下，猶棄敝蹤，唯命是從可也。然天下祖宗之天下也，使上皇得志，則立招禍亂，喪祖宗之天下，必矣。故帝不得已，用干戈除君側之姦慝，以安祖宗之天下。此乃所以深愛君父者也。帝天資英敏，而果斷明於見事故，能撰將決機，哲婦兇豎不日而

戮輦轂肅清。畿甸寧謐。奉養上皇。勤於溫清。及
釋萬乘之重負。退享一宮之尊榮。非有曠大之
度。惻怛之誠。烏能至此哉。

廢皇太子

廢皇太子立皇弟中務卿大伴親王為皇太弟。
賞藤原真雄直諫授正四位下。藤原葛野麻呂
與藥子有姻。以其諫爭特宥之。貶阿保親王。
皇太子為太宰員外帥。○以皇女有智子內親王為
加茂齋禱。與上皇輯睦。置齋院始此有智子年十七善詩文○是
歲始置藏人所。又以上皇詔罷觀察使。復參議。

始置藏人所
復參議

坂上田村麻呂薨

○二年。以上殿舍人復為內豎。○以正四位上
文室綿麻呂為征夷將軍。○遣使於渤海。○大
納言兼右近衛大將坂上田村麻呂薨。田村麻呂為人
赤面黃鬚。眼如蒼隼。勇力絕人。屢征蝦夷有功。及薨。帝深悼惜。贈從二位。○蝦夷叛。
遣征夷將軍文室綿麻呂討之。日本武尊以降。征討東夷至是
第十回。○詔占野關田不顯町段。損公害民莫甚
於此。今後宜勘町段。○大納言藤原園人奏。諸
國郡司皆有功子孫。奕世相承。郡民無長幼。皆
託心而專取藝業。絕譜第為政。則物情不從。聽

日本書紀卷之五十五

伴渠

禁營私田

訟則決斷無伏請郡司之擬先取譜第後及藝業奏可○先是出羽守大伴今人與屬官議穿山鑿石以開大渠郡民苦役咨嗟怨讟既成民蒙其利呼曰伴渠○三年詔緇徒多犯禁所司故縱不問為弊良深今後有犯勿論罪輕重一依僧尼令糺之尋流僧良勝於多禰嶋以與女同車也○禁諸國司公廨田外營私田○詔諸國司信民妖言奏上寔繁言或及國家禍福敗法亂紀莫大焉宜檢察斷其源○右大臣藤原

藤原內麻呂薨

內麻呂薨內麻呂少有令望德量溫雅歷事三朝典樞機十餘年靡有一過失以藤原園人為右大臣兼皇太子傅如故先是以參議巨勢野足兼右大將至是參議藤原冬嗣兼左大將○是歲停大學生徒分業教習詔曰經國治家莫善於文立身揚名莫尚於學是以大同之初令諸王以下子孫入大學分業教習而性或與教背馳徒曠年月未成業宜改前敕任其所好○四年詔因諸國吏撫字無素竟致黎元失業所以常告其飢今後非有荒饉疾疫

日本書紀

卷之五十五

五

鳥卷樓藏版

賜皇子女源姓

勿得輒請賑給。○是歲新羅入寇肥前討平之。
神功皇后以降征討新羅至是第十一回 ○五年詔賜皇子信弘常
明四人皇女四人姓源朝臣貫右京。
皇子賜源姓始于此
史論曰。嵯峨諸子前為親王者四人。後賜源姓者十八人。可謂螽斯振振矣。據其賜源姓詔出身之初。一叙六位。夫以皇子之尊。下同人臣之列。停封邑之濫。省府庫之費。其為後世慮者。至深遠矣。

令諸國植茶

六年令畿內外諸國植茶。○先是帝憂外蕃歸

姓氏錄成

僧空海始唱真言宗

朝會禮準唐儀

藤原園人薨

化者衆。華夷混淆。氏族不明。敕中務卿萬多親王右大臣藤原園人等。新撰姓氏錄。至是成奏。上○以大水免畿內今年田租。○遷替國司。以四年為限。○七年以參議文室綿麻呂兼右大臣。○是歲僧空海創金剛峯寺于高野。始唱真言宗。○九年公卿奏水旱相繼田產多損。請省臣下封祿以資國用。俟年稔復舊奏可。○詔朝會禮常服制及拜跪之等。一準唐儀。○鑄新錢。
文曰富壽神寶 ○右大臣藤原園人薨。
園人延曆中歷諸國守百姓追

日本文

卷之五

六

萬卷樓藏版

思爲立生祠

○十一年先是配新羅人七百於遠江駿河至是作亂二國發兵討之不克賊遂逃入海發相模武藏等兵追討平之○詔損上益下王政所貴頃者水旱不登民有菜色其天下百姓所負稅調未納者左右京畿內弘仁十年以前七道諸國九年以前並宜蠲除又或無由追徵竝去年借貸猶負逋者亦免之雖府帑未充國度多遺未有子富而父貧者務加撫恤稱朕意焉○詔復嚮所省臣僚封祿○十二年以大

置加賀國

納言藤原冬嗣內麻呂之子爲右大臣○賜天下耆老穀有差○渤海來貢○十三年公卿奏謹稽天平神護年間例近江緣湖諸郡穀宜納之穀倉院請復其舊奏可○十四年割越前二郡置加賀國○京師米價騰貴發穀倉院減價糶之且賑給貧民○帝將傳位於皇太弟右大臣藤原冬嗣曰唯聖知聖今陛下以萬機附聖人天下幸甚但年穀雖登倉廩未實若一帝奉二尊恐用度滋多民不堪命請待豐饒然後傳位未

職事

晚帝不聽遂禪位於皇太弟。○初帝好游幸多在嵯峨離宮有事則設空位於朝堂令五位藏人居其側聽群議以奏謂之職事。

山縣禎曰天下之事一日萬機一事失理亂亡兆矣是以古之明王祇懼不敢寧居自朝至于日中昃不遑暇食其孜孜勤庶政如是苟上怠惰則下必慢易庶事於是乎廢弛矣而上失威而權下移亦職之由可不警懼乎今帝好遊幸設空位而使侍臣代聽是非人君總萬機勤庶

第五十三世紀元千四百八十四年

政之道也得無藤氏專權之漸兆於此乎。

淳和天皇

曰天長

諱大伴嵯峨帝弟母夫人藤原氏參議百川女在位十一年改元一

初先帝將禪位於帝引帝御前殿親諭曰朕本諸王子始望不及此太上皇曲垂褒獎超登儲貳尋嬰疥疾萬機壅滯奉還神璽不獲命適有小人言失太上皇歡群臣相議肅清君側而朕不敢負心如暎日朕以寡昧在位十餘年太弟賢明仁厚宜登大位使朕遂宿

心帝避席固辭又諭曰朕既待太弟猶子太弟遇朕亦猶父耳帝表辭再三不許至是遂即位先帝欲令帝立皇子恆世王子帝之子為儲貳恆世王固辭於是立皇子正良親王嵯峨帝之子為皇太子先帝尊號曰後太上天皇以別於平城上皇

史論曰嵯峨天皇皇子衆多而必欲致位於淳和帝者帝之賢明仁孝有以感動上皇也觀其朕遇太弟猶子太弟遇朕亦猶父之語

八十
五十二
四
百

則正大洞達絕無纖芥之嫌及帝登極上皇使立恆世王為嗣而帝固辭迺立仁明為儲貳遂使上皇之統奕葉重光福祚流于萬世洋洋乎其盛德哉

帝既即位賑恤旌表一據舊例特賜諸國力田超衆者爵一級○後太上皇遷幸嵯峨離宮帝命有司進乘輿儀衛不受御一馬率數人而往○是歲右大將文室綿麻呂薨以中納言良岑安世桓武帝之子兼右大將

天長元年辰甲平城上皇崩壽五十一

葬大和楊梅陵○

右大臣藤原冬嗣奏一曰擇良吏臣聞登賢任

能為化大方審官授才經國要務今諸國牧宰

或欲崇修治化樹之風聲則拘於法律不得馳

驚邦國殄瘁職此之由請妙簡清公美才以任

諸國守介其新除者特賜引見勸諭治方政績

有著加增寵爵公卿有闕隨即擢用二曰遣巡

察使古者分遣八使察風俗考治否問疾苦所

以宣風展義舉善彈違也請今一依舊例中納

言良岑安世奏曰國守者古刺史也職得其人

為甚難若得一良守令其兼帶數國政無大小

得自措置夫祿不厚則人不勸人不勸則治不

立請其公廨擇攝國中殷阜地以二守祿分給

之然須先試之一國明驗治否然後任之參議

多治比今麻呂奏曰前王勞於求賢者必逸於

經國請諸氏子孫咸入大學習讀經史學業足

用量才授職竝制可

賴襄曰我朝之有國司猶漢之有二千石也漢

宣有言與吾共治民其唯良二千石乎漢有郡
 有國國委之其君相非二千石所能制也如我
 朝一王與六十六人共治四海其任之重為如
 何哉故藤原冬嗣曰妙簡廉能任守介其新除
 者特賜引見勸諭治方著績者以補公卿之闕
 良岑安世則曰國司堪任者難多得得一良守
 令兼帶數國擇殷阜地分給一守祿先試之一
 國明驗治否皆有識之言非必按漢宣之故而
 與之暗合者矣而淳和盡嘉納之宜乎其不墜

桓武中興之業也當時宰輔多出於國守皆習
 知民事非亦其効乎中世以後則不然公卿矜
 其門地下視國守而踈外之一視貪廉無所激
 勸己或不見其面況使人主引見乎況擢以與
 己比肩乎國守者位賤官卑祿薄而任重者也
 任重而祿薄則易漁於民官卑位賤則難望於
 君君有以勸勉優裕於法律之外然後可以責
 其廉而異才之士出焉否則是驅之於貪也所
 以中世以後貪守常多也

藤原冬嗣薨

是歲以僧義真為天台座主。置座主始于此○二年以

右大臣藤原冬嗣為左大臣大納言藤原緒嗣

為右大臣。明年冬嗣薨。冬嗣性弘裕才兼文武嘗歎藤氏之衰建勸學

院教子弟析封戶千給之○是歲大疫詔諸國郡司親巡視

給穀藥尋置施藥院使。○四年以四品阿保親

王為上總太守。親王為太先是清原夏野三原

孫奏曰親王地望高未習庶務而卒任八省卿

以故官事日墮請先點定數國迭任守宰乃以

上總常陸上野為親王任國改守曰太守因有

三太守

是命。守加太字○先是藤原大津為備後守頗

有聲譽民庶歌思安部安仁亦為近江大掾為

政精鍊名聞朝廷秩未滿轉為信濃介視事三

年部內肅然上皇評諸國吏能否以安仁為第

一是歲和氣仲世為近江介俸祿悉給貧民又

以藤原高房。參議藤為美濃介威惠兼施屬託

不行發奸擿伏境無盜賊時管下有堤防壞俗

傳有神不欲蓄水前司不敢修高房曰苟利於

民死不恨乃發夫修堤民賴其利。席田郡有妖

藤原高房刑妖巫

巫種類為群吏懼不敢入其邑高房單騎赴之
悉捕其徒刑之治大行○先是天平中敕大學
寮撰文章生專取藝業及弘仁朝其撰止三品
已上及良家子弟至是博士都腹赤上言夫大
學尚才養賢之地天下英俊之所竝萃高才未
必貴種貴種未必高才王者用人唯才是貴朝
為斯養夕登公卿可也今所論專在門資後進
由此解體恐非取士之道請復依天平格制可
○是歲敕僧空海迎佛舍利於禁中以久旱祈

始造水車

良岑安世薨

新撰格式成
秘府略成

雨也○五年置畿內班田使○六年大納言良
岑安世奏曰耕種之利水田為本聞唐國構水
車以便灌溉請令諸國造之資農業許之尋安
世薨安世桓武帝子賜姓良岑少好騎射多伎
藝及長始讀孝經輟卷歎曰名教之極自
是折節志學又善詩文○七年出羽地大震山崩水溢詔
免遭災百姓今年租調○新撰格式成○八年
秘府略成○先是召大學生紫宸殿講論經義
著為恆例時大學助伊豫郡真貞以甲第詔進
位賜姓善道至是帝幸神泉苑召真貞及安野

日本書紀卷之五十五 仁明天皇

令義解成

第五十四世紀元千四百九十四年

真繼等論經義。真貞為座首。論三傳義。真繼論三禮義。○九年。以右大臣藤原緒嗣為左大臣。大納言清原夏野為右大臣。兼左大將如故。○十年。右大臣夏野上。令義解。初藤原不比等作。令歷年已久。學者互有異同。乃敕夏野等解釋。文義。夏野與諸儒臣論辨折衷。至是成奏上。○帝禪位於皇太子。

仁明天皇

諱正長。嵯峨帝第二子。母皇后橘氏。贈太政大臣清友女。在位十八年。改元二。曰承和嘉祥。

初先帝受嵯峨上皇之禪。立帝為皇太子。上皇致書辭之。先帝不從。遂受禪。於是立皇子恆貞親王先帝之子為皇太子。先帝固辭之。帝不聽。及上尊號後。太上天皇而又辭曰。天下多尊。百姓所苦。峻號崇名。非所樂也。固辭再三。帝不聽。

山縣禎曰。淳和帝固辭先皇之禪。不得已而後登極。上皇欲立其子為儲貳。亦固辭立上皇之子。以為太子。在位僅十一年。讓位於皇

日本書紀 卷之五十五 仁明天皇 十四 高松樓藏版

太子遷居西院其居崇高之位如不敢安者
 又觀其辭立其子辭上尊號之類恭謙遜退
 皆發乎真情非敢陟矯飾者庶幾乎所謂有
 天下而不與焉者與比之彼貪戀富貴骨肉
 相爭者固霄壤不啻也如承歷朝善政而不
 敢改且其好學令大學寮學士討論紫宸殿
 永以為例天長二年始有亦可謂盛德之事
 矣。

承和元年甲寅帝既即位觀前太上天皇于冷然

院後太上天皇于淳和院後屢觀焉○太宰府
 言慶雲見公卿表賀敕報不受曰百姓輯寧風
 雨和調即是瑞也安危在乎人事吉凶繫於政
 事賀瑞之言後勿復奏

山縣禎曰人生無學術而徒信禍福也於是乎
 人臣競獻祥瑞以驕君心君驕臣諛邪說益盛
 而君惑益甚未嘗不至於亂亡矣是以明主必
 屏言祥瑞者今帝以百姓輯寧風雨和調為瑞
 而知吉凶安危之繫乎人事可謂明達不惑者

大學
皇太子

皇太子

矣。史稱帝耽經史。通覽百家。苟非學術之力。何以能如此乎。

詔禁用金銀薄泥。○二年鑄新錢。文曰承和昌寶○皇

皇太子釋奠大學

太子釋奠大學。太子好學。先是奏曰。太子釋奠

大學。是舊儀也。何為久廢。帝嘉之。至是詔率百

官行禮。○命正四位下菅原清公古人之子侍讀。後

置檢非違使

漢書。○四年。先是天長十年。始置檢非違使。至

是穀價騰貴。乃遣其佐巡視東西京。賑恤貧民。

○右大臣清原夏野罷左大將。以中納言源常

小野篁處流

代之。尋夏野薨。○五年。流遣唐副使小野篁于

隱岐。初參議藤原常嗣為大使。篁為副使。既發

遭風不進。再發常嗣見篁船堅牢。奏換己船。篁

忿恚。以家貧親老。身亦病。辭不往。作西道謠刺

朝政。嵯峨上皇覽而大怒。竟見貶竄。明年常嗣

還自唐。○以大納言藤原三守為右大臣。○六

種蕎麥

年。令畿內國司勸種蕎麥。○七年。召還流人小

灌佛

野篁。○灌佛於清涼殿。灌佛始于此○後太上天皇

崩。帝淳和壽五十五。遣命勿營山陵。煩民。中納言

火葬碎粉御骨

藤原吉野藏下麻呂之子奏曰帝王不起山陵古未聞且無山陵臣子何仰朝議不省遂奉遺命火葬碎粉御骨散之大原野西山嶺上

山縣禎曰淳和上皇之遺詔薄葬且使碎其骨以為粉散之於地者以為如此而後不貽累於後人不可謂非仁慈之心矣然使臣子敢為此不可忍之事非所以教孝道於天下也仁明帝之葬之奉遺詔而不敢違以為先皇之意不可違也其能順親之意則有之矣然為人臣子而

生則致愛敬以事之死則敢然碎其骨豈其情之所能忍哉帝當上皇遺詔之日而宜陳臣子不忍之情以微諷之也縱令上皇不聽終不可為此不忍之事以遺例於後世則寧違一時之命當守萬世不易之禮以為法於天下也已雖然當此時上下滔滔溺釋氏者久矣釋氏死而棄其形骸投之於水火而不復顧使其子孫不牽情於形骸天理人情非復所論矣則一帝之為此亦不足怪也已

藤原三守薨

日本後紀

右大臣藤原三守薨

三守性溫恭好學優待儒生遇諸塗必下馬家多藏

書資生徒貧者成業

○以大納言源常為右大臣○是歲

早疫詔免諸國承和二年以往調庸未進者除

東海東山山陽驛戶租三年○八年左大臣藤

原緒嗣等上日本後紀○渤海來貢○九年前

太上天皇崩嵯峨壽五十七遺詔停葬太上皇

之定式親斟酌故事別作送終制曰葬者藏也

欲人不見也惟周有棺覆有席可也不必用其

他況朕生而薄德死何煩厚葬乎今上七日釋

廢皇太子

服百官有司不得哀臨乃詔從遺制厥明葬嵯

峨山上陵○廢皇太子恆貞初太子才學日進

常自以為身非冢嫡而居儲宮異日禍機難測

乃令春澄善繩作表冀效太伯劉強帝不許嵯

峨上皇亦深加教督時東宮帶刀伴健岑但馬

權守橘逸勢等謀曰二上皇登遐太子不得安

宜奉走東國嘗竊語之阿保親王及上皇崩親

王密作書告之嵯峨太后太后使中納言藤原

良房奏之是日敕令六衛府戒嚴宮門左右京

日本後紀

卷之五

十八

高麗書

職警衛街巷又遣兵捕健岑逸勢等大子憂懼
 又抗表辭位帝優答曰健岑等之為耳何關太
 子勿以介意既而有飛書曰健岑反計為太子
 發帝惑焉急遣近衛兵士圍太子直曹太子晏
 然謂左右曰此事之發吾知之久矣故屢勸汝
 等避禍而不避遂致有今日豈非天乎詔廢太
 子為親王淳和太后聞之震怒悲號深怨太皇
 太后健岑流於隱岐納言以下東宮僚屬及諸
 國守椽目等連坐貶竄者九十餘人獨逸勢不

服罪改姓非人滅死流於伊豆遣正躬王監送
 太子遷之淳和院駕小車出禁中太子顧左右
 曰今乃脫重負矣自是專歸佛不復近妃嬪太
 子令聞夙著天下歸心一旦廢黜非其罪朝野
 悲之王室內亂至此凡二十一

青山延子曰嵯峨帝舍其子而立淳和帝淳和
 帝亦舍其子而立仁明帝其所為一出於至公
 而毫無私天下之心仁明帝之立恆貞可謂善
 體一帝之意者也然而一旦聽讒遂廢太子愧

于一帝多矣。蓋恆貞之立出於嵯峨上皇之意。故上皇未崩人無間之。及上皇崩藤原氏之徒欲立其出遂構陷之庸詎知健岑之反非讒諛之徒媒孽以成其罪哉。橘逸勢不服其罪亦足以明其誣也。而帝竟不悟使太子負冤而讒夫得志可慨也夫。

賴襄曰仁明生文德出藤原氏生十四而淳和崩又二年嵯峨不豫罷橘氏公右大將以藤原良房代之四日而嵯峨崩翌日葬之其明伴橘

之獄起噫何其速也據獄詞所傳則伴橘為不軌矣而不可信也至其曰一上皇登遐太子不得安則當時之情已廢太子矣良房者新太子之母之兄也故仁明引以為之羽翼又納良房女於東宮帝崩文德立之月清和生生而九月立為太子七年而超拜良房為太政大臣帶劔上殿其明年文德夭而髻鬣之天子立外祖攝政焉亦何速也而後王室之事不可復說矣立皇子道康親王為皇太子帝之長子○太宰大貳

阿保親王薨

藤原衛奏曰。新羅朝貢其來尚矣。而自聖武朝。苞茅不貢。託事商賈。常懷奸心。方今歲饑。用不足。一旦有變。何以應之。請禁新羅商賈入境。制可。○三品彈正尹兼上總大守阿保親王薨。親王

平城帝子。生子仲平。行平。守平。業平。賜姓在原朝臣。○十年。左大臣藤原

緒嗣致仕。尋薨。稱山本大臣。緒嗣曉達政事。國之利害。知莫不言。但信先入。不

容後說。以此得譏。○是歲文屋宮田麻呂謀叛。事覺。處

竄。○十一年。以右大臣源常為左大臣。大納言

橘氏公。奈良麻呂孫。清友之子。為右大臣。○十四年。帝受

橘氏公薨

莊子於文章博士春澄善繩。卒業乃御清涼殿。賜宴。尋令善繩讀漢書。○右大臣橘氏公薨。初

公又清友。接伴渤海使者。史都蒙善相。人見清友曰。骨相不凡。子孫必貴。後清友女為嵯峨帝后。氏公官至台輔。終如都蒙之言。○嘉祥元年。戊辰以大納言

藤原良房為右大臣。○鑄新錢。文曰長平永寶。○是歲

獲白龜。因改元。○二年前年洪水。是夏又霖雨。

開倉賑恤飢民。○帝親巡視京城。賜貧民錢穀。

車駕過獄前。問是誰家。右大臣良房奏曰。囚獄

司。帝惻然。特命盡放囚徒。○三年。帝崩。壽四十

十一
年
正
十
五
世

日本正統

一。葬山城深草山陵。帝睿哲聰明。博綜衆藝。最好經史。工射善書。先帝工書。帝妙得其法。人不能別也。然帝好奢靡。府帑空虛。賦斂滋起。由是世或譏焉。○皇太子立。

文德天皇諱道康。仁明帝長子。母皇后藤原氏。左大臣冬嗣女。在位九年。改元

三。曰仁壽。齊衡。天安。○按神武帝即位以降。千五百十一年。萬機皆統於天子。而至帝任政。大臣藤原良房。兆權下移。之漸。後數十世。王綱終不復古。

帝幼而動止端審。若成人觀者。異之。及前太子恆貞廢立。爲皇太子。至是即位。未幾。嵯峨

皇太后橘氏崩。仁明帝母。后嘗與弟氏公謀。建學

館院。教生徒。世以比漢鄧后。帝性明察。憲法

頗峻。亦以比漢明帝云。

仁壽元年辛未。以連年大水。詔免左右京及畿內

今年租。○命文章博士春澄善繩侍講文選。○

二年。詔曰。洪範八政。食居第一。王政之要。以農

爲本。頃年諸國所告。不堪佃甚多。國司奏國中損害。謂之不

堪田。是國郡司不勤地利。不重民命之所致。而

甚非。所以選擇良吏。委付黎元之意也。凡治田

不堪田

第五十五世紀元千五百十一年

日本改

文德

二十

萬卷樓藏版

小野篁薨

克勤則畝益二斗。少惰則損亦如之。少惰尚然。況廢而不耕乎。夫一畝之田。可食一戶。故一畝不耕。則一戶飢矣。既多不耕之地。何少受飢之人。古者州郡長春。出行田。若有不耕課而田之。公私半其獲。古人重地利如此。宜下諸道。令曉此意。國郡司等躬親巡視。修固池堰。催勸農耕。褒勤督惰。○參議左大辨小野篁薨。篁參議琴守子。少事騎射。嵯峨帝聞而惜之。乃折節為學。遂以文章著。又善草隸。然為人。不羈。好直言。不為世所容。人呼為野狂。嘗讀書。書下野足利。○二年。太宰帥鄉置校。其藏書傳至後世云。

葛原親王薨

賜平姓

源常薨

葛原親王薨。桓武帝皇子。初親王請去諸子。王號賜姓。因賜其子高棟平朝臣。○齊衡元年甲戌。以陸奧國比年不登。戍兵多逃。且兇徒為盜。詔發兵一千。備之。又詔給穀一萬石。賑恤飢民。○左大臣源常薨。常在官務進。才能退讓。後時人以為有丞相之器。○二年。詔右大臣藤原良房參議。春澄善繩修國史。○三年。先是丹波權守伴成益卒。成益在任奉法。不阿權貴。境內肅然。人服其廉潔。從四位上正躬王為丹波守。亦以清簡稱。從五位下山田春城。

山田春城禁妖言

為駿河介赴任時國人托言於神鼓惑吏民國
 司不敢禁春城至考訊發槌自是妖言永絕人
 服其聰察是歲山城守長岑高名卒高名為政
 嚴明國民不擾常謂子弟曰吾家清貧無有斗
 儲死必薄葬遂卒於官○天安元年丑以右大
 臣藤原良房為太政大臣大友高市押勝道鏡以後置太政大臣以
 始是為大納言源信為左大臣大納言藤原良相
 弟良房為右大臣○前彈正大弼藤原衛卒衛內麻呂
 子性寬而毅為國司吏民安之為法官貴戚側目○先是用大衍曆年

檢非違使把笏

久差謬頗多至是改作新曆○是歲河內越中
 大和等國司奏不堪佃田失實詔罰之○二年
 先是讚岐國民訴守弘宗王帝遣使推問弘宗
 逃還京日向國民訴守嗣岑王謀殺詔使嗣岑
 亦潛還京竝禁錮之對馬郡吏率嶋民攻殺嶋
 守立野正岑敕太宰府發兵討平之以四方多
 盜令左右檢非違使把笏巡視檢非違使把笏始於前年是
 歲遣左少將坂上當道等搜捕京師群盜○帝
 暴病言語不通遂崩壽三十二葬山城真原山陵皇太

第五十六世紀元千五百十九年

子立

清和天皇

諱惟仁。文德帝第四子。母皇后藤原氏。太政大臣良房女。在位十九年。

改元一曰貞觀。○按帝即位。良房為太政大臣。如故。未受攝政之任。而諸書以為攝政。蓋誤矣。大日本史曰。考三代實錄。帝八年始書。救太政大臣攝政。行天下之政。而不言其再有攝政之命。蓋帝幼冲。即位。良房以外戚大臣。攝行庶務。猶未有攝政之名。其後帝年稍長。加元服。親機務。始有攝政之救也。又按先帝暴病。言語不通。然則其不遺詔為攝政。亦可知也。嗚呼。外戚專權。其端實開於帝。世世相繼。是為王綱變第一。

帝生於外祖右大臣藤原良房第。甫九月。先

帝立為皇太子。以大納言源信為傅。信。帝之叔父。

至是即位。時年九歲。是為幼少。初先帝有讓

位於庶長子惟喬之意。良房深憂之。欲使太

子辭位。會源信奏先帝曰。若太子可廢廢之。

若其無罪。不可佗圖。帝遂獲不廢。

永井定宗曰。親王生而僅九月。立為太子。當

此時。惟喬既四歲。固宜立矣。而立惟仁者。以

其為攝政良房之外孫故也。天皇雖欲立惟

喬。豈能得手。而釋師鍊謂。一皇子爭儲位。帝

令鬪藝勝者得位乃賭競馬相撲惟喬有力
士名虎惟仁有力士善雄名虎奮力甚強惟
仁使僧惠亮祈善雄乃得勝於是惟仁立爲
儲貳行長之記亦載此事然名虎之死已在
惟仁未生之前則其虛誕可知唯是浮屠夸
說其所驗而後人吠虛傳訛耳豈足信也哉
貞觀元年己卯藤原良房爲太政大臣如故百官
總已以聽○敕諸國修理神社○鑄新大錢一
以當舊錢之十文曰饒益神寶○是歲渤海來貢○二

鑄新大錢

頒釋奠式
行宣明曆

年帝始讀孝經尋詔行唐玄宗御註孝經於學
官以充試業後王始受經必先○新修釋奠式
頒七道諸國○三年行宣明曆○四年以比年
日屢蝕地震霖雨不止詔使參議以上論時政
得失右大臣良相以爲圖治之要在廣開言路
因上表薦右大辨南淵年名山城守紀今守伊
豫守豐前王及諸及第生諸僧綱等曰此輩曉
知治體通熟世諦宜令上意見豐前王奏曰諸
王給服徒費無紀極請以見在爲額不聽輒過

數奏可。

藤井臧曰。大臣所以報國。莫先於薦賢。設非得賢才。國其有善治哉。藤公無懈于此。最為得大臣之體。其所薦之數人。其賢亦可知矣。

賴襄曰。自清和立。外祖攝政以來。每歲霖雨地震。九年之間。日十二食。所以致之。不待識者而知也。至此。詔朝臣論政事。而藤原良相又表薦外官及諸生。下及僧綱。可謂廣開言路矣。而纔得伊豫守一言。所言裁減諸王支給而已。噫。當

時天下之弊事。舍此無可言乎。王室之運日消。外家之勢日長。如漢之爵五侯。黃霧四塞之時也。使一言及此。饒不能救。猶足警戚黨之心矣。乃助之為虐。何哉。豐前王非亦係宗籍者乎。推其所為。心不過以此媚藤氏。以冀昇進耳。雖然。當時皆知求言之為虛文。爭言非切要之事故。史無所載。獨載此言者。蓋外家得此喜以為剪削宗室之資耳。

先是帝御前殿觀童相撲。是歲復行其儀。○是

天子冠禮之始

幸深殿第

歲海賊橫行。要備前貢船。殺人掠米。令山陽南海二道追捕。○五年。先是民間修御靈會。以今歲疾疫。官為致祭。修會於神泉苑。祭崇道天皇伊豫親王。藤原夫人吉子。橘逸勢。文屋宮田麻呂等。○六年。帝元服。參議大江音人參酌唐禮。定其儀。始天子冠禮。○帝幸良房深殿第。觀櫻花。途經良房一條第。駐蹕以其降誕之地也。遂御深殿花亭。良房召文士賦詩。宴飲終日。良房又欲帝知稼穡之艱難。令山城守紀今守帥群司

應天門之火

百姓行耕田之禮。○八年。應天門火。延及樓鳳翔鳳二樓。大納言伴善男大伴繼人之孫有罪。流伊豆。流肥後守紀夏井古佐美之孫于土佐。善男軀幹矮小。敏有口才。仁明帝寵之。為大內記。尋進顯要。與左大臣源信有隙。欲陷之。以代其位。乃誣信及源融等。謀不軌。及災。謂右大臣藤原良相曰。左大臣實為之。良相信之急。召參議藤原基經。令收信。基經曰。太政大臣知否。良相曰。大臣信佛。安能斷大事。基經曰。大事何得不告。乃往時。

良房居白川第聞變大駭不及整衣冠疾馳入
奏曰左大臣陛下功臣人縱上變不可遽戮之
帝驚曰朕所未聞也乃遣使慰諭信信方白衣
坐地待罪家人皆號哭信既受救懼表辭職不
許既而左京人大宅鷹取訴善男父子焚門初
鷹取夜經應天門有人縋門柱而下密覘之則
善男父子及其奴紀豐城之弟也皆走去鷹取
驚恠行未遠火作始知其行火然不敢泄已而
善男家奴生江恆山毆擊鷹取女兒至死鷹取

流伴善男

詰之恆山藉主威抵抗不服鷹取大怒遂上變
敕參議南淵年名藤原良繩召善男鞫問善男
不服年名惡其恃辨枝梧令人詐謂曰卿子息
既首服卿何敢乃爾善男驚而服廷議當斬特
宥流之遠竄其子中庸及豐城夏井以豐城故
亦坐獲罪

山縣禎曰聖王之政罰弗及嗣賞延于世其善
善長而惡惡短如此若夫罪及二族暴秦之苛
政何足法焉如紀夏井為吏循良政績夙著縱

有罪亦當宥之以風勵吏治也而今連坐于其弟之事無罪而流竄不亦可憫乎當是時良房相帝而為政其失典刑亦甚矣

紀夏井

夏井為人溫雅有才文德帝嘗聞其名召見夏井衣履弊惡左右笑之帝曰是疲駿也非汝曹所知擢為少內記尋任讚岐守政化大行秩滿將去百姓相率詣闕乞留二年黎庶殷富作義倉四十餘及去吏民贈遺甚多一無所受後守於肥後至是緣坐肥後民遮路號哭如喪父母

過讚岐男女老幼相迎道路哭聲接數十里在配所數年母亡執喪三年哀毀遂卒

山縣禎曰夏井之治郡國多造義倉以濟民窮約又其清潔公廉贈遺一無所受皆可以為後世治民者之法矣宜民之愛之如慕父母也如其居母喪三年哀毀過禮最見其至性矣

良房為攝政

敕太政大臣良房攝行機務良房上表固辭不許前此攝政者有神功皇后廐戶皇子大兄皇太子皇女淨足姬未有人臣攝政者也人臣攝政始于此○按諸書以為帝即位良房攝政帝元服良房罷攝政故至後又曰復攝政今皆不

藤原良相薨

取一據大日本史 ○九年先是諸國大饑盜賊四起畿
 內最甚米價騰躍至是敕近衛兵衛每夜分番
 巡察又令五畿七道每鄉結保督捕始置常平
 所於東西市賤糶官米 ○右大臣藤原良相薨
 良相少游大學器宇曠遠篤於親族嘗割封戶置義田
 奧鎮守將軍兼武藏守伴三宗卒三宗撫邊有
 方膽略著聞及卒民夷傷之是歲前陸奧守坂
 上當道卒田村麻呂之孫當道家行廉潔輕財重義在
 任清理部內肅如民夷安之秩滿待代四年卒

坂上當道

藤原保則

於國居貧無資及棺斂僅有一布衾而已 ○初
 備中饑民多流亡為盜守朝野貞吉以苛酷馭
 下囚徒填獄藤原保則繼繩之曾孫為介到任悉變
 其法務存大體不問小過贍窮乏課農桑以故
 民爭來附田闢戶滋外戶不閉至是轉備前權
 守務恤恤人民一如備中時僚屬有貪汙者輒
 分與己俸曰子宜砥礪名節勉取榮譽何必終
 一州小吏但資財不給所以受汙名吾有薄俸
 請給 ○十年建應天門 ○野火燒田邑陵樹帝

藤原良繩卒

避正殿降服素食較朝五日○太皇太后宮大

夫藤原良繩卒良繩為人寬裕孝謹嘗為左大

人上私謂人曰二賢老成碩儒吾出入進退常汗顏又事後母以孝聞焉○左大臣

源信薨信放鷹墮馬數日而薨是歲伴善男亦死於配所世傳善男死為疫鬼時人畏

此攝如○十一年大納言藤原氏宗等上貞觀格

尋頒之○陸奧地大震山裂海涌數十百里死

者千許人○新羅海賊夜入博多掠豐前貢絹

太宰府發兵追擊不及而還敕太宰府譴其怠

慢○有大鳥集太宰府廳及其兵庫府司奏占

當有寇請役夷俘備之乃遣右近衛少將坂上

瀧守氏勝之子於太宰府鎮護警衛瀧守奏博多為

輻湊緊要地而郭與鴻臚相去一驛請移置統

領一人具兵械備不虞從之又敕西海山陰諸

國修守備○先是詔太政大臣良房等修續日

本後紀至是成○是歲肥後海溢漂沒六郡人

畜多死○十二年以大納言藤原氏宗葛野麻呂之子

為右大臣○鑄新錢文曰貞觀永寶○敕太宰府令緣

海諸郡警備敕因幡伯耆出雲石見隱岐修守

續日本後紀 成

禦之具。先是太宰府奏嚮對馬人赴新羅為其所執。適見新羅造巨船簡兵士將襲對馬之狀。今脫獄逃歸。因有是命。○先是以參議藤原冬緒為太宰大貳。是歲以從五位下小野春風為對馬守。冬緒陳四事曰：嚴烽燧，禁出賣馬庸米，雜米總納稅庫，不容置諸司穀倉院，停交易。勾當春風陳一事曰：軍旅甲冑薄者，助以保侶衣。運糧難者，造袋盛糒，士卒每人帶之。竝以調布製尋，又陳賜羊革甲以備急。竝許之。○參議春

春澄善繩薨

澄善繩薨。善繩性周慎謹朴，不以己長加人，為文章博士時，諸博士互相短長，弟子亦各立黨，獨善繩恬退，謝遣門徒，不為謗議所及。○十三年始御紫宸

殿視事。承和以後，視事於紫宸殿，為例。仁壽以來廢之。至是復故。○詔賜太政大臣良房食祿二千戶。先是太政大臣食封三千戶，為定祿及良房居職固辭不受。僅食千戶。至是賜二千戶。准三后准三后始于此又上表辭之不聽。乃受二千戶。詔賜直廬於禁中。○左大臣藤原氏宗等上貞觀式。○是歲鴨河水溢，賜穀鹽，遭害民。又救河

貞觀式成

藤原良房薨

傍田為堤害者無公私皆廢○十四年右大臣
 藤原氏宗薨○以太政大臣良房罹病詔大赦
 天下○渤海來貢以少內記都良香為掌客使
 良香貞繼子貞繼本姓
 桑原弘仁中請改姓都○以大納言源融為左
 大臣大納言藤原基經長良之子為右大臣兼
 左大將如故○太政大臣良房薨敕廢朝三日
 贈正一位封美濃公諡忠仁良房攝政前後十
 五年帝念其舊恩傾心委任垂拱仰成及薨帝
 始親萬機○十五年惟喬親王薨初先帝愛王

欲立為皇太子憚良房不果於是王隱居小野
 絕外交歌詠自樂在原業平紀有常等時來陪
 游而已薨年二十六○十六年先是前越後守
 伴龍男殺人特優詔宥其罪其餘貞觀元年以
 降死罪減等者甚多是歲太政官奏沙彌教豐
 及善福率衆僧殺勸學院使日奉全吉於丹波
 支解之放火燒民家燒殺一女竝科當斬石見
 國人若杖部豐見鬪歐殺人科當絞又敕減死
 一等竝處流

山縣禎曰。當此時。朝廷篤信佛教。政尚慈惠。弘仁以降。不斷死刑久矣。律殺人者死。是以每有殺人者。刑官擬罪。則勅旨必宥之。減一等以處流。今教豐善福等。姦暴如此。然尚寬宥之。慈則慈矣。其如典刑何。無罪者則死。有罪者生。何慈於有罪者。而不慈於無罪者耶。且聖王之政。戮一人而懲千萬人。刑法明而民不犯罪。於是乎仁慈之所被者廣矣。今罪之至重者。枉從寬典。何以懲不軌哉。數世之後。輦轂下。盜賊橫行。白

日殺人。南部北嶺之僧徒。暴戾橫肆。朝廷不能制其漸。無乃啓於此乎。

冷然院火

十七年。冷然院火。圖書財寶悉焚。○下總俘囚叛。救近國發兵討之。出羽渡嶋荒狄叛。救牧宰擊之。○十八年。參議太宰權帥在原行平奏。請營壹岐水田。充對馬年糧。止壹岐稅課之。肥前等六國。壹岐對馬皆隣。三韓每歲漕。六國穀其費甚多。故行平建之策。又肥前松浦郡庇羅佐嘉。二鄉固殷阜。多奇產。唐及新羅來者。莫不經歷。實樞轄之地。請割二鄉置上

大極殿火

近下近二郡更名植嘉嶋置嶋司郡領許之○
 大極殿火數日不滅遣左右近衛兵衛巡警兩
 京○帝禪位於皇太子帝性寬明仁恕風儀端
 嚴好讀書尤信佛嘗聞良房謄寫大般若經救
 藏之圖書寮既遜位薙髮名素真歷覽名山古
 寺不復御酒肉鹽豉潔修備至後五年崩壽三
 十一火葬藏御骨
 山城水尾山

史論曰自佛法入我邦無貴賤賢不肖皆一鼓
 而牢籠之天下靡然習以為常屈萬乘之尊歸

依三寶列朝比比莫不皆然而帝好之尤篤齡
 未至三十遂去天位授大器於幼冲之主而不
 顧其果能負荷乎否政刑之柄一委之於藤氏
 抖擻勤苦而高遺世之志三日一齋泊然枯槁
 古今人主之奉佛未有如帝精練薰修者貞觀
 之政世之所稱而藤氏之權自此而盛蓋亦有
 所從來矣

青山延于曰甚哉浮屠氏之為禍也帝以天子
 之尊身為沙門之行春秋未盛至去位而不顧

其後宇多花山脫屣萬乘捨身佛寺未必不由
帝之作俑也蓋帝之崇信釋氏同軌梁武幸而
寶祚未衰金甌無缺終免梁武之禍然貞觀以
後外戚顯政權柄下移皇室不振職此之由安
知承平之亂不胚胎于此哉

陽成天皇 諱貞明清和帝第一子母皇后藤原氏贈太政大臣長良女在位八年

年改元一曰元慶

帝受禪於深殿院還御東宮年甫十歲以右大臣兼左近衛大將藤原基經攝政帝及年

第五十七世紀元千五百三十七年

稍長昏狂多不法至手刃人群臣深憂之遂為基經所廢

元慶元年丁酉帝即位于豐樂殿尊先帝曰太上
天皇○右大臣基經上表辭大將上皇敕帝曰
萬機之寄不可煩以一職宜從其請然武備有
闕儀容不嚴願特賜帶劔乃出寶劔一口令人
贈帝帝即日賜之基經罷其大將○造大極殿
○二年出羽俘囚作亂縱火燒秋田城守藤原
興世發兵拒之馳驛奏變先是秋田城司良岑

出羽之亂

近貪婪黷貨夷倖憤怨遂相率而叛時前歲凶
 歎百姓飢窘興世徵兵不至且屢戰屢敗攝政
 基經密召右中辨藤原保則命以招討之任保
 則固辭基經強之保則曰無已則有一恐公不
 能用耳基經固問保則曰蝦夷內附以來垂二
 百年畏服朝威無有寇逆今日之事良岑近激
 成之窮寇死戰其鋒難當假令坂將軍復生不
 能蕩平若教以義方示以威信播我德音變彼
 野心可不血刃而服也基經曰善保則曰彼獸

性欲以恩信懷之須先威以臨之前左近衛將
 監小野春風累世將種驍勇絕人遭讒免官請
 先令春風帥精兵示以朝廷威信然後以德招
 撫不踰數月自應潰散基經大悅乃拜保則出
 羽權守擢春風為鎮守將軍敕奧羽守吏皆受
 保則處分出羽權介藤原統行與權掾小野春
 泉文室有房等以兵五千守秋田舊城賊伏兵
 出其不意四面奄至舉城惶撓望風奔竄統行
 等逃還獨有房奮身苦戰斬賊數人箭中其脚

戰
 文室有房奮

神氣益厲然孤軍無援乃潰圍脫還糧仗盡爲賊所奪小野春風奉詔與陸奧權介坂上好陰俱發各帥精兵五百赴援春風少在邊習夷語故保則薦之時賊益猖獗陸奧押領掾藤原梶長帥兵二千出向懼而逃還朝議責之催督其再發又救東海東山諸國擇精銳往救保則既發晝夜兼行敗聞累至從者失色保則意氣自若人心倚安賊聞王師來率衆萬餘拒守要害保則至出羽遣有房等帥兵六百屯秋田河南

拒賊河北時城下不和賊者二村乃發郡倉資給之慰勉防賊土人流言津輕夷俘應於出羽保則以爲津輕夷俘驚悍慣戰若與賊合難可輒制乃奏請發常陸武藏兵二千以備不虞敕符曰以夷狄攻夷狄中國之利也又以官穀給俘囚藉其力破賊亦策之上者也務運奇策繫其狂心藤原滋實與世子適往省父乃敕令從軍保則按兵待春風等至春風好陰尋由陸奧入上津野與保則約夾攻時賊來城下乞降者三

百保則不許遣人報春風等曰駐軍鎮守府待
 後報未至春風脫甲單騎入虜軍具宣恩詔一
 如保則意於是賊叩頭拜謝訴以城司良岑近
 貪暴乃競以酒食犒官軍有房滋實等亦單騎
 出城直突賊營賊哀訴乞降有房等許之春風
 挈豪酋數十人至國府保則親慰勞之時有二
 虜未降者保則語諸豪酋曰汝等以為如何皆
 曰有二策請暫賜寬暇後數日斬兩夷首以獻
 保則即發使撫納其餘黨自津輕至渡嶋雜種

出羽賊平

夷民前代未嘗歸附者皆盡內屬是役所失穀
 穎三十二萬五百餘束糶七百五十斛甲三百
 七十餘領胄五百三十餘枚官舍一百六十餘
 宇城櫓二十八宇城棚櫓二十七基郭棚櫓六
 十一基一國破殘極矣保則乃修城倍舊制境
 內始安日本武尊以降征討東夷至是第十六回○是歲以去年旱
 畿內饑多盜置常平司于東西京賤糶官米轉
 播磨備前不動穀給河內和泉○二年小野春
 風至○拜藤原保則為出羽守留鎮撫之出羽

民夷雜居田野膏腴多產珍異豪吏兼并私增租稅恣加徭賦由是奸猾致富小民日窮保則嚴張憲法犯者必捕而案之百姓安堵邊境肅然初保則在兩備治尚寬至是以嚴理之亦治云○四年保則以國府接近賊地且頻年不登民夷難和奏復出羽庸調二年給不動穀六千餘斛於雄勝平鹿山本三郡狄俘尋罷保則任召入京在朝卿相皆稱其勲績而以良岑無罰保則無賞時論多譏基經失政云○先是基經

文德實錄成

創奘學院

蹲居太子

叙正二位賜隨身兵仗至是為太政大臣攝政如故○是歲參議菅原是善薨是善以文學著嘗與基經撰文德實錄奏上○五年下官符山陽南海二道捕海賊○創奘學院○初嵯峨廢太子高岳落髮為僧貞觀中如唐求法在唐十餘年是歲學問僧中瓘自唐上牒告高岳赴西域至羅越國而薨帝下詔痛惜焉初高岳年少升儲貳世人號曰蹲居太子識者以為不祥後果見廢○六年帝加元服先是基經退居里第

菅原道真


累表辭職不許至是又請罷攝政亦不許特敕給爵准三后如良房故事○以大納言源多爲右大臣兼左大將如故○上總夷俘叛下官符討平之○是歲渤海國使來以式部少輔兼文章博士菅原道真是善權行治部大輔事接伴玄蕃寮○七年備前守奏海賊據諸嶋行暴請擇浮浪勇敢二百餘人給兵器舟楫禁其劫掠奏可○是歲源益嵯峨帝曾孫侍殿上被格殺事祕無聞焉○八年太政大臣基經廢帝立式部卿

時康親王即位初帝游嬉無度最好馬作廐禁中群小狎進基經悉逐之不悛遂發狂疾基經入見帝方令人緣樹手掎殺之基經大驚退與諸大臣謀廢立仁明廢太子恆貞有賢名基經欲擁立之密告其意恆貞固拒之因屬意時康親王以嘗有服其度量也乃誘帝幸陽成院奏曰陛下狂虐君德有闕臣等爲社稷計遷乘輿於此帝聞而大駭叫號悲悔時年十七孝謙帝廢淡路

帝以降未有以人臣廢天子者以人臣廢天子自藤原基經始

明治新刻 日本政記卷之五

Faded vertical text columns, likely bleed-through from the reverse side of the page.




Kodak Gray Scale



© Kodak, 2007 TM: Kodak

A 1 2 3 4 5 6 **M** 8 9 10 11 12 13 14 15 **B** 17 18 19



Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

